

Consejo, qual non vol ni una ni l'altra opinion, si jactò molto di provision fate a trovar danari, volea veder etc., o star su cambii e civanzi; disse questa parte non darà danari, scontando etc. Andò le parte: 71 di le do decime perse, 101 di la meza tansa et una decima, e questa fu presa.

Et fo licentià Pregadi e rimase Consejo di X con la zonta.

†

46 1514, die 23 Septembris in Rogatis.

Quanto sia necessario per conservation dil Stato nostro proveder de danari è noto a cadauno di questo Consejo, che non accade altra explicatione, et *maxime cum* quelli mezi che diano maggior quantità di danari et siano più tollerabili ai zentilhomeni et cittadini nostri, et però:

L'anderà parte: che a tutti soliti a pagar decime et tanse, et che seranno tansadi, siano poste una decima et meza tansa a restituir da esser scossa alla Camera nostra de imprestidi, et che quelli pageranno per tutto 15 del futuro mese haver debbanò 10 per 100 de don, del qual siano fatti creditor. La restitution veramente li sia fatta de li denari de la marena, de i quatro soldi de l' insida de le biave, et del uno soldo per staro de l' intrada, satisfatte che seranno le precedente obligation, a quelli che prima le pageranno per l'ordine suo. Dechiarando: che quelli exborseranno i sui denari el primo giorno siano imbossoladi, et per ventura extratti, et per l'ordine saranno extratti habino la satisfation sua, et cussi *successive* se observi li zorni subsequenti zorno per zorno, acciò alcuno non sia più avantazato de li altri, et però non possa esser fatta alcuna additione, sia tirata ogni zorno la marena.

*Item*, sia fatta ditta restitution *cum* i danari si traranno de i frumenti serano conduti de Cipro, et siano obligati li Proveditori alle biave vender ditti frumenti subito che saranno zonti, *cum* condition che quelli che i compreranno habino tratta per la mità per la parte de fuora, et a peso a molin.

Et quelli che fussenò creditor de ditte graveze, et volesseno tanti formenti a rason di lire tre el staro, li siano consignati per l'ordine sopraditto, *cum* la condition de la tratta come è ditto. Se possano pagare ditte graveze *cum* el credito de i danari prestadi in contadi a la Signoria nostra *cum* el prò del Monte Novissimo presentè, *cum* el credito de la decima numero 92, et col quarto de la tansa numero

10 se doveano restituire de i denari del vin. *Item*, 46\* *cum* uno quarto di tansa numero 8 et meza tansa numero 11. Et *similiter* possino pagar *cum* el credito de arzenti et ori posti in cecha secundo la deliberation de questo Consejo, senza questi di arzenti et ori di alcun don, nè se possi far alcun altro sconto, de che sorte o qualità se vogli; nè che nel Colegio nostro se possi far ballotation alcuna contra la presente ballotation, et essendo facta, sia de niun valor; nè che possino scuoder li deputadi altra sorte di denari che nel modo predicto, soto pena di pagar del suo.

*Verum*, sia in facultà de tutti li debitori de dite graveze di pagarle in contadi *cum* el beneficio de la restitution *ut supra*; aut pagarli in contanti tagliade a 30 per cento persi, et pagandole et perse nel termine predicto habino el medesimo don 10 per cento, qual sia factò bon ne la summa i sborserano.

A di 24, Domenega. Il Principe portato in cariega 47 da basso justa il solito. Et fo *letere di campo dil capitano zeneral, di eri sera*. Come i nimici tutti, per avisi si ha, è venuti ne li borgi di Este, e in Este si dice voleno far una coraria e levarsi. El vicerè ha dato taja al Polesene stera 24 milia di biava et zà ne hanno scosso 17 milia; *etiam* hanno dato taja in brexana e Brexa dueati 14 milia et leti 400. Et che si aspetava la resolution di la dieta fa l'Imperador al presente a Inspurch, dove è il cardinal Curzense e il conte di Chariati; et par l'Imperador voria il contà di Tirol li pagasse ducati per tenir 4000 fanti li, quali sono renitenti; e altre particolarità. *Item*, scrive come, havendo fato li condutieri la loro monstra, *etiam* lui vol far la sua, *licet* non sia ubligato, e prega la Signoria mandi qualche uno di Colegio fin li a vederla, *videlicet* di 300 homeni d'arme è ubligato a tenir e li ha tutti; e sopra tutti vi vengi il magnifico suo compare missier Zorzi Emo; et vol farla marti proximo a di 26; e altre particolarità *ut in litteris*. *Etiam* fo *letere* di sier Domenego Contarini provedador zeneral in campo, *de occurentiis*.

Fo terminato di mandar li do savii di settimana et sier Zorzi Emo, sier Lucha Trun savii dil Consejo, sier Hironimo Zustinian savio a terra ferma, quali partiranno da matina per Padoa, alozerano in el vescoado a spexe di l'Emo: et cussi partiteno.

Da poi disnar, fo gran Consejo, e fo compito di far quelli di Pregadi, e intrò 60 sier Zacaria Foscolo è di la zonta fo a la custodia di Padoa con homeni 40 a so spexe, qu. sier Marco. Fo *etiam* fato capitano in Cadore, che poi è sta guerra più non è sta' fato, si